

**MOZA
ATSACEIBU**



GRŌMATENĀ

MOZA ATSACEIBU GRĒMATENĀ

Sastādaļa bazneickungs X

ČETRUPADSMYTAIS IZDAVUMS

VL. LŌČA IZDEVNICEIBA
DAUGAVPILĒ, ALEJAS ILĀ 3-21

1 9 4 3

REIMPRIMATUR

Datum Rigae, die 30. VI 1943. a.

† Antonius Springovičs.
Archieppus Rigensis.

(L. S.)

Nr. 672.

AIV Nr. II/01171. Metiens 50.000. Uzņēmuma noliktavas papīrs 61×86 cm. 33 kg. Iespiesta un brošēta Rēzeknes spiestuvē. Atbrīvošanas alejā 31. Izdota 1943. g. septembrī. Atļaujas Nr. 19781. Ord. Nr. 1595.

1. Svātō krysta zeime.

Dīva Tāva un Dāla, un Svātō Gora vōrdā! Amen.

2. Kunga lyugšona vai Tāvs myusu.

Tāvs myusu, kas esi debesīs, svēteits lai top Tōvs vōrds, lai atnōk Tova vaļsteiba. Tova vaļa lai nūteik kai debesīs, tai ari vērs zemes.

Myusu ikdiniškū maizi dūdi mums šudip, un atlaid mums myusu porōdus, kai ari mes atlaižam sovīm porōdnīkim, un naīved myusu kārdynōšonā, bet atpestej myus nu ļaunā.

Amen.

3. Enģeļa sveicynōšona.

Esi sveicynōta Marija, žēlesteibas pylņa, Kungs ir ar Tevim, Tu esi svēteita storp sīvītem un svēteits ir tovas mīsas Auglis — Jezus. Svātō Marija, Dīva Mōte, lyudzīs par mums grēcīnīkim tagad un myusu nōves stundē. Amen.

4. Vysusvātōkōs Trejadeibas gūdynōšona.

Gūds lai ir Tāvam un Dālam, un Svātajam Goram! Kai beja nu isōkuma, tai tagad un vysod, un myužēigi myužam. Amen.

5. Apostolu Symbols vai Es tycu.

Es tycu ikš Dīva, Vysuvareigō Tāva, dabasu un zemes Radeitōja, un ikš Jezus Kristus, Jō Vineigō Dāla, myusu Kunga, kas ir ijemts nu Svātō Gora, pīdzimis nu Jaunovas Marijas, cītis zam Pontija Pilata, krystā pīkolts, nūmiris un paglobōts; nūkōpis elnē, trešā dīnā augšancēlis, uzkōpis debesīs, sēd pa Vysuvareigō Dīva Tāva lobajai rūkai, nu turīnes Jys atnōks tīsōtu dzeivūs un myrušūs.

Es tycu ikš Svātō Gora, svātōs katōliskōs Bazneicas, Svātū draudzeibas, grāku atlaisšonas, mīsas augšanceļšonōs un myužeigōs dzeivōšonas. Amen

6. Desmīt Dīva bausleibu.

Es asmu tovs Dīvs un Kungs:

- 1.° Tev nabyus svešus dīvus turēt leidz ar Mani!
- 2.° Tev nabyus Dīva tova Kunga vōrdu nalīteigi lītēt!
- 3.° Tev byus svētejamōs dīnas svēteit!
- 4.° Tev byus sovu tāvu un mōti cīnā turēt!
- 5.° Tev nabyus nūkaut!
- 6.° Tev nabyus lauleibu pōrkōpt!
- 7.° Tev nabyus zagt.
- 8.° Tev nabyus napatīsu liceibu dūt pret sovu tyvōkū!
- 9.° Tev nabyus ikōrēt tova tyvōkō sīvu!
- 10.° Tev nabyus ikōrēt nivīnu lītu, kas ūtram pīdar!

7. Dīvi mīlesteibas bausleibas.

- 1.° Tev byus mīlēt Dīvu sovu Kungu nu vysas sovas sirds, nu vysa sova prōta, nu vysas sovas dvēseles un nu vysa sova spāka!
- 2.° Tev byus mīlēt sovu tyvōkū kai sevi pošu!

8. Pīcas Bazneicas bausleibas.

- 1.° Tev byus svātdīnōs un svētejamōs svātū dīnōs Svātū Misi izklauseit un atsaturēt nu gryutim dorbim!
- 2.° Tev byus nu Bazneicas nūteiktōs dīnōs atsaturēt nu gaļas ēdinim un gavējamōs dīnōs gavēt!
- 3.° Tev byus vysmoz reizi godā izsyudzēt sovu grākus!
- 4.° Tev byus Vysusvātōkū Sakramentu vysmoz Leldīnas laikā pījemt!
- 5.° Tev byus paleidzēt uzturēt bazneicu un jōs kolpus!

Kristticeigūs sveicīgs.

Lai ir slaveits Jezus Kristus!
Myužeigi myužam. Amen.

9. Septeni Svāti Sakramenti.

- 1.° Kristeiba,
- 2.° Istyprynōšona,
- 3.° Vysusvātōkais Sakraments vai Eucharistija,
- 4.° Grākuvaidēšona,
- 5.° Postora svēteiba,
- 6.° Prīstereiba,
- 7.° Lauleiba.

10. Picas grākuvaidēšonas daļas.

- 1.^o Jōlosa grāki.
- 2.^o par grākim jōnūžaloj,
- 3.^o stipri jōapsajam vairōk nagrākōt,
- 4.^o grāki jōizsyudz,
- 5.^o jōizpylda uzlyktō gondareišona.

11. Pādejōs litas.

- 1.^o Nōve, 2.^o atseviškō tisa, 3.^o vai debesis, vai škeisteišonas gups, vai eļne, 4.^o augšancelšonōs, 5.^o Postora tisa, 6.^o vai debesis, vai eļne.

12. Vyslobōkī dorbi.

- 1.^o Lyugšona, 2.^o pašmērdeiba, 3.^o dōvonu dūšona tryuceigim.

13. Žālsirdelības goreigī dorbi.

- 1.^o Grēcīnikus vest uz loba ceļa;
- 2.^o Naapzineigūs pamōceit;
- 3.^o Šaubōs ikrytušim dūt lobu padūmu;
- 4.^o Nūskumušūs iprīcynōt;
- 5.^o Nataisneibu pacīteigi panest;
- 6.^o Apkaitynōjumus atlaist;
- 7.^o Lyugt Dīvu par dzeivim un myrušajim.

14. Žālsirdelības mīseigī dorbi.

- 1.^o Olkonūs pabarōt;
- 2.^o Slōpstūšūs padzirdeit;
- 3.^o Plykūs apgērbt;
- 4.^o Ceļaveirus mōjōs pījimt;
- 5.^o Sliminīkus apraudzeit;

- 6.^o Cītumnīkus apmeklēt;
- 7.^o Nūmyrušūs paglobōt.

15. Trejs diviški tykumi.

- 1.^o Ticeiba, 2.^o cereiba, 3.^o mīlesteiba, tys ir: atzeisti, ka ir Dīvs; pasaļauņ uz Dīva gōdeibu un mīļoj Dīvu pōrōk par vysu.

18. Septeni golvoni grāki.

- 1.^o Lepneiba, 2.^o progoreiba, 3.^o naškeisteiba,
- 4.^o skaudeiba, 5.^o nasōteiba (apsareišona),
- 6.^o dusmeiba, 7.^o kyutreibā loba dareišonā.

17. Septeni tykumi, kas ir septēņu golvonū grāku pretstots.

- 1.^o Pazemeiba, 2.^o deveiba, 3.^o škeisteiba,
- 4.^o labvēleiba, 5.^o sōteiba, 6.^o lēnprōteiba,
- 7.^o dedzeiba loba dareišonā.

16. Četri pamata tykumi.

- 1.^o Gudreibā, 2.^o taisneiba, 3.^o sōteiba,
- 4.^o drūsme.

19. Deveni sveši grāki, kaidūs mes varim byut leldzdaleibnīki.

- 1.^o Ūtru grākam pamōceit;
- 2.^o Ūtram grākōt padūmu dūt;
- 3.^o Ūtru pamudynōt uz grāku;
- 4.^o Ūtram grākōt pavēlēt;
- 5.^o Ūtram grākōt atļaut;
- 6.^o Ūtram grākōt paleidzēt;
- 7.^o Par ūtra grāku klusēt;
- 8.^o Ūtru grākā kreitūt naaizkavēt;
- 9.^o Ūtra grāku slēpt.

20. Četri grāki, kas sauc uz debesīm pēc
atribeibas.

- 1.^o Teišam cylvāku nūkaut;
- 2.^o Sodomas vai natikleibas grāku dareit;
- 3.^o Nabogim, bōrinim un atraitnem pōrestei-
bas dareit;
- 4.^o Kolpim un kolpyunem nūpeļneitū olgu aiz-
turēt.

21. Seši grāki pret Dīvu Svātū Goru.

- 1.^o Teišam grākōt, cerejūt uz Dīva žālsir-
deibu;
- 2.^o Naturēt cereibu uz sovu atpesteišonu;
- 3.^o Atzeitai ticeibas patiseibai pretōtis;
- 4.^o Dīva žēlesteibas skaust sovam tyvōkajam;
- 5.^o Svēteigu pamōceibu atmest;
- 6.^o Grākuvaidēšonu atlikt leidz nōvej.

PAR DĪVU UN RADEIBOM.

Vaicōjums. Kū ikkotram cylvākam vys-
pyrms vajaga zynōt?

Atbilde. Ikkotram cylvākam vyspyrms
vajaga zynōt, dēļ kō jū Dīvs ir radejis?

- V. Dēļ kō Dīvs ir radejis cylvāku?
- A. Dīvs ir radejis cylvāku dēļ tō, lai cylvāks
Dīvu pazeitu, mīlōtu, gūdynōtu, Jam kol-
pōtu un pēc ar Jū debesīs dzeivōtu.
- V. Kōdēļ mums vajaga Dīvu mīlēt, gūdynēt
un Jam kolpēt?
- A. Mums vajaga Dīvu mīlēt, gūdynēt un Jam
kolpēt tōdēļ, ka Dīvs ir myusu Radeitōjs,
Kungs un Glōbējs.

V. Kū Dīvs dūs taidim ļaudim, kuri Jū mīlōj,
gūdynōj un Jam kolpoj?

A. Taidim ļaudim Dīvs dūs dabasu vaļsteibu.

V. Kū Dīvs padareis tim, kuri Jō namīlōj un
Jam nakolpoj?

A. Taidus ļaudis Dīvs nūstrōpēs ar eļnes guni.

V. Kas ir Dīvs?

A. Dīvs ir pilneigs Gors, dabasu un zemes,
un vysu radzamu un naradzamu litu Ra-
deitōjs.

V. Vai Dīvam ir isōkums?

A. Dīvam nav ni isōkuma, ni gola, par tū, ka
Dīvs ir myužeigs.

V. Kur ir Dīvs?

A. Dīvs ir vysur: dabasūs, vērs zemes un ik-
kotrā vitā.

V. Kōdēļ mes Dīvu naradzam, jo Jys vysur ir?

A. Tōdēļ mes Dīvu naradzam, ka Jys ir teirs
Gors un Jam nav mīsas.

V. Vai Dīvs myusus redz?

A. Dīvs redz myusus un vysus myusu dor-
bus, dzērd myusu vōrdus un zyna vysas
myusu dūmas.

V. Cik ir Dīvu?

A. Dīvs ir vīns, trejōs personōs.

V. Kai tōs trejs Dīviškōs Personas saucam?

A. Trejs Dīviškōs Personas saucam: Dīvs
Tāvs, Dīvs Dāls un Dīvs Svātais Gors.

V. Kai nūsaucam trejs Dīva Personas ar vīnu
vōrdu?

A. Trejs Dīviškōs Personas ar vīnu vōrdu nū-
saucam par Vysusvātōkū Trejadeibu.

- V. Kura nu tom trejom Personom palyka par cylvāku?
- A. Par cylvāku palyka Utrō Dīva persona, tys ir Dīva Dāls.
- V. Kai mes saucam tū Personu, kura palyka par cylvāku?
- A. Tū Personu, kura palyka par cylvāku, mes saucam par Kungu Jezu.
- V. Vai tagad Kungs Jezus ir Dīvs vai cylvāks?
- A. Kungs Jezus tagad ir eistyns Dīvs un eistyns cylvāks.
- V. Vai Kungam Jezum beja īsōkums?
- A. Kungam Jezum kai Dīvam nikod nabeja īsōkuma, bet kai cylvākam beja īsōkums.
- V. Kod Dīva Dāls palyka par cylvāku?
- A. Dīva Dāls tūlaik palyka par cylvāku, kod piļēme mīsu nu Jaunovas Marijas.
- V. Kas beja svātais Jezups?
- A. Svātais Jezups beja Vysusvātōkōs Jaunovas Marijas leigavaiņs un glōbējs.
- V. Kur pīdzyna Kungs Jezus?
- A. Kungs Jezus pīdzyna Betlejemes mīstēnā nabadzeigā staleitī.
- V. Kas pyrmais atnōce pagūdynōt pīdzymušu Kungu Jezu?
- A. Pirmī attecēja ganenī, kuri natōli nu Betlejemes ganeja lūpus, un pēc jīm atnōce trejs kēneni nu Austrumu zemes.
- V. Kod mes svētejam Kunga Jezus Pīdzimšonas dīnu?

- A. Mes svētejam Kunga Jezus Pīdzimšonas dīnu Zīmas svātkūs.
- V. Kū padareja Kungs Jezus, kod Jām beja 30 godu?
- A. Tūlaik Kungs Jezus nu svātō Jōņa Kristeitōja Jordana upē piļēme kristeibu.
- V. Kū vēl dareja Kungs Jezus, dzeivōdams vērs šōs zemes?
- A. Jys mōceja laudis, atlaide jīm grākus un slymūs dareja vasalus.
- V. Kas Kungam Jezum paleidzēja sludynōt Evangelijumu?
- A. Apostoli.
- V. Cik Kungam Jezum beja apostolu?
- A. Kungam Jezum beja 12 apostolu.
- V. Kur nūmyra Kungs Jezus?
- A. Kungs Jezus nūmyra uz Kalvarejas kolna.
- V. Kaidā nōvē Kungs Jezus nūmyra?
- A. Kungu Jezu želdī pīkola pi krysta.
- V. Par kō grākim Kungs Jezus nūmyra?
- A. Kungs Jezus nūmyra par myusu grākim, lai myus izpestēt nu myužēigōs pazusēonas.
- V. Kod mes svētejam Kunga Jezus cīsšonu dīnu?
- A. Kunga Jezus cīsšonu dīnu mes svētejam Lelajā Pīktdīnā.
- V. Kod mes svētejam Kunga Jezus augšancelšonōs dīnu?
- A. Kunga Jezus augšancelšonōs dīnu mes svētejam Leldīnā.

Par Dīva radeibom.

- V. Kōdēļ Dīvu mēs saucam par Radeitōju?
- A. Dīvu mēs saucam par Radeitōju tōdēļ, ka Jys radeja dabasus, zemi un vysas radzamas un naradzamas litas.
- V. Kū zeimōj vōrds radeit?
- A. Vōrds radeit zeimōj pataiseit kaidu litu ni nu kō.
- V. Kai Dīvs radeja pasauli?
- A. Dīvs radeja pasauli ar vīnu sovu vareigu vōrdu «Lai nūteik».
- V. Vai kas nūteik pasauli bez Dīva vaļas?
- A. Pasauli nikas nanūteik bez Dīva vaļas.
- V. Vai tod grāks arī nūteik ar Dīva vaļu.
- A. Nā! grāks nōk nu cylvāka ļaunas vaļas.
- V. Kas ir cylvāks?
- A. Cylvāks ir Dīva radejums, kas sastōv nu dvēseles un misas.
- V. Kai Dīvs radeja cylvāka misu?
- A. Dīvs radeja cylvāka misu nu zemes.
- V. Kai Dīvs radeja cylvāka dvēseli?
- A. Dīvs idvēse cylvāka misā namērsteigu goru.
- V. Kas ir cylvāka dvēsele?
- A. Cylvāka dvēsele ir namērsteigs gors, apdōvynōts ar prōtu un breīvu vaļu.
- V. Vai cylvāka mīsa mērst?
- A. Cylvāka mīsa mērst.
- V. Vai cylvāka dvēsele mērst?
- A. Cylvāka dvēsele nikod namērst.
- V. Cik cylvāku Dīvs radeja?
- A. Dīvs radeja divi cylvākus: Odumu un Ivu.

- V. Kai Dīvs jūs radeja?
- A. Oduma misu Dīvs radeja nu zemes, un Ivu nu Oduma sōnkauļā; Dīvs nūlaide uz Odumu gryutu mīgu, izjēme jam sōnkauļi un radeja Ivu.
- V. Kaidus Dīvs radeja pyrmūs cylvākus?
- A. Dīvs radeja jūs taisneigus un namērsteigus.
- V. Kur Dīvs īvītōja pyrmūs cylvākus?
- A. Dīvs jūs īvītōja paradīzes dōrzā.
- V. Vai Dīvs atļōve Odumam un Ivai ēst augļus nu visim paradīzes dōrza kūkim?
- A. Dīvs jīm atļōve ēst augļus nu visim kūkim, tikai nu ļauna un loba pazeišonas kūka aizlidze ēst augļus.
- V. Vai Odums un Iva palyka Dīvam paklausīgi?
- A. Nā, jī sagrākōja pōrkōpdami Dīva pīsa-ceišonu.
- V. Kaidis tod beja pyrmū cylvāku grāks?
- A. Jī ēde nu Dīva aizligta kūka augli.
- V. Vai Dīvs nūstrōpēja pyrmūs dzymdynōtōjus par Jō valas pōrkōpšonu?
- A. Dīvs jūs nūstrōpēja pi dvēseles un misas.
- V. Kai pyrmūs dzymdynōtōjus Dīvs nūstrōpēja pi dvēseles?
- A. Dīvs jīm atjēme sovu žēlestību, atjēme tīseību uz dabasu valsteību un nūsprīde uz myužeigom mūkom eļnes guni.
- V. Kai Dīvs nūstrōpēja pi misas?
- A. Pi misas Dīvs jūs nūstrōpēja ar vōrgim, slimeibom un nōvi, un padzyna nu paradīzes.

- V. Kai tū grāku saucam, kurā ikryta Odums un Iva?
- A. Tū grāku saucam par idzymtu grāku.
- V. Par kū šū grāku mes saucam par idzymtu grāku?
- A. Mes jū saucam par idzymtu grāku par tū, ka jys pōrīt uz mums visim.
- V. Kas byutu nūticis ar cylvāku, jo Dīvs nabyutu apsažālōjis uz jū pēc grākā krisšonas?
- A. Jo Dīvs nabyutu apsažālōjis, mes visi byutu myužam pazudynōti.
- V. Kaidu žēlesteibu Dīvs padareja ļaudim?
- A. Dīvs ļaudim apsūleja Pesteitōju.

Par engelim.

- V. Vai Dīvs radeja tikai radzamu pasauli?
- A. Nā, Dīvs vēl radeja lelu pulku naradzamu Engelu.
- V. Kas tys ir Engels?
- A. Engels ir teirs gors, kuram ir prōts un vaļa, bet nav mīsas.
- V. Dēļ kō Dīvs radeja Engelus?
- A. Dīvs radeja Engelus dēļ sova gūda un cylvāka lobuma.
- V. Vai visi Engeli palyka lobi un Dīvam paklauseigi?
- A. Nā, na visi: daudz Engelu caur lepneibu sagraķōja un tyka padzeiti nu dabasim uz ejni.
- V. Kai saucās šī ļaunī engeli?

- A. Šī ļaunī engeli saucās par valnim vai naškeistim gorim.
- V. Kas ir pyrmais grēcīniks?
- A. Pyrmais grēcīniks vai Dīva vaļas pōrkōpējs ir naškeists gors.
- V. Vai naškeists gors dora cylvākim kaidu ļaunu?
- A. Kai tad: naškeists gors mudynoj cylvāku uz grāku.
- V. Vai lobi Engeli dora mums kū lobu?
- A. Lobi Engeli sorgoj myus nu nalaimes, mudynoj uz lobu un lyudz par mums Dīvu.
- V. Kai saucās tys Engels, kurs myus sorgoj?
- A. Jys saucās par sorgengeli.

Par Dīva bausleibom.

- V. Kas tys ir Dīva bausleibas?
- A. Dīva bausleibas ir pasludynōta Dīva vaļa, kuru ļaudim vajag pildēt.
- V. Cik ir Dīva bausleibu?
- A. Dīva bausleibu ir desmit.
- V. Par kū jōs saucam par Dīva bausleibom?
- A. Par tū jōs mes saucam par Dīva bausleibom, ka pats Dīvs jōs deve Moizešam uz Sinaja kolna.

Pyrmo Dīva bausleiba.

«Tev nabyus svešus dīvus turēt leidz ar Mani.»

- V. Kū mums pīsoka pyrmō Dīva bausleiba?
- A. Pyrmō Dīva bausleiba mums pīsoka at-

zeit un gūdynōt tik vīnu patīseigū Dīvu,
dabasu un zemes Radeitōju.

- V. Kai mums vajaga mīlēt Dīvu?
A. Mums vajaga Dīvu mīlēt nu vysas sirds,
prōta un spāka.
V. Kai mums vajaga mīlēt tyvōkū?
A. Tyvōkū vajag mīlēt kai pošam sevl.
V. Kas ir myusu tyvōkais?
A. Myusu tyvōkais ir ikkotrys cylvāks.
V. Kū mums Dīvs aizlīdz caur pyrmū baus-
leibu?
A. Caur pyrmū bausleibu Dīvs mums aizlīdz
ticēt sapnīm, divredzēt, būrt, mest kartōs
un kolpōt alkīm (svešīm divīm).
V. Kas ir alki, sveši divi?
A. Alki ir radeitas lītas, kuras ļaudis atzeist
par Dīvu.
V. Kai taidus ļaudis mes saucam, kuri kolpoj
alkīm?
A. Taidus ļaudis, kuri kolpoj alkīm, mes sau-
cam par pogōnīm.
V. Vai ir vairōk patīseigu Dīvu?
A. Nav: Dīvs ir tik vīnelgais.
V. Cik ir eistu ticeibu?
A. Kai vīns ir eistyns Dīvs, tai vīna ir eisty-
na ticeiba.
V. Kura ir tei eistynō nu Kunga Jezus īsta-
teitō ticeiba?
A. Eistynō un vīnelgō nu Kunga Jezus īsta-
teitō ticeiba ir Katōļu ticeiba.

Ūtrō Dīva bausleiba.

«Tev nabyus Dīva tova Kunga vōrdu nālīteigi
vōlkōt.»

- V. Kū mums aizlīdz Dīvs dareit caur ūtrū
bausleibu?
A. Caur ūtrū bausleibu Dīvs mums aizlīdz:
bez vajadzeibas Dīva vōrdu mīnēt, zaimōt,
lōdēt un nataisneigi zvērēt.
V. Kas ir Dīvu zaimōt?
A. Dīvu zaimōt ir napiklōjeigi runēt pret
Dīvu, Dīva Mōti un Jō Svātīm.
V. Kas ir zvērēt?
A. Zvērēt ir Dīvu saukt par licinīku, ka gri-
bīm rōdeit taisneibu.
V. Vai ir breivī zvērēt?
A. Zvērēt ir breivī tikai taisneigā un svareigā
lītā.
V. Vai lelu grāku peļnej, kas zvērej nataisnei-
gā lītā?
A. Kas nataisneigā lītā zvērej, tys peļnej lelu,
nōveigu grāku.
V. Kū pīsoka dareit ūtrō Dīva bausleiba?
A. Ūtrō Dīva bausleiba pīsoka gūdynōt Dīva
vōrdu.

Trešō Dīva hausleiba.

«Tev byus svētejamōs dīnas svēteit.»

- V. Kū pīsoka trešō Dīva bausleiba?
A. Trešō Dīva bausleiba pīsoka svēteit svāt-
dinu.

- V. Kū aizlīdz trešō Dīva bausleiba?
- A. Trešō Dīva bausleiba aizlīdz svātdinōs strōdōt gryutu mīsa dorbū.
- V. Vai peļnej lelu grāku, kas bez vajadzeibas svātdin strōdoj mīsa dorbū?
- A. Kas svātdinōs strōdoj gryutu dorbū, tys peļnej nōveigu grāku.

Catūrtō Dīva bausleiba.

«Tev byus sovu tāvu un mōti cinā turēt.»

- V. Kū pīsoka catūrtō Dīva bausleiba?
- A. Catūrtō Dīva bausleiba pīsoka mums so-
vus dzymdynōtōjus gūdā turēt.
- V. Kod bērni tur gūdā sovs dzymdynōtōjus?
- A. Bārni tur gūdā sovs dzymdynōtōjus, kad
jūs mīloj, jūs klausā, vacuumā jīm paleidz
un jūs baroj.
- V. Vai vysod vajaga klauseit dzymdynōtō-
jus?
- A. Dzymdynōtōjus vajaga klauseit, kad jī
mōca kū lobu.
- V. Kad dzymdynōtōji mōca zagst, dzert vai
cytu kaidu ļaunu dorbū dareit, vai var jūs
klauseit?
- A. Nā, jo dzymdynōtōji mōca uz ļaunu, nīkod
nadreikst jūs klauseit.
- V. Kū vēl catūrtō bausleiba pīsoka gūdynōt
un klauseit?
- A. Catūrtō Dīva bausleiba pīsoka gūdynōt un
klauseit bazneickungus, goreigu un ļaiceļ-
gu vērsleibu.

- V. Kū Dīvs apsūlej tim bārnim, kuri pylda
itū bausleibu?
- A. Dīvs taidim bārnim apsūlej laimeigu un
ilgu dzeivi vērs zemes.
- V. Kū vēl pīsoka catūrtō Dīva bausleiba?
- A. Catūrtō Dīva bausleiba pīsoka kolpim un
kolpyunem klauseit sovu saiminīku, labi
jīm vēlēt un dareit.
- V. Kaidis ir saiminīku pīnōkums?
- A. Saiminīkam ir pīnōkums ryupētīs par kol-
pu divabaileigu dzeivi un jīm taisneig: iz-
moksōt olgu.

Piktō Dīva bausleiba.

«Tev nabyus nūkaut.»

- V. Kū aizlīdz piktō Dīva bausleiba?
- A. Caur piktū bausleibu Dīvs aizlīdz teišu
prōtu atjimt cylvākam dzeiveibu.
- V. Vai sovu īnaldnīku var nūkaut?
- A. Nā, vyslelōku īnaldnīku nav breivi nū-
kaut.
- V. Vai var cylvāku sist un jū īvaipōt?
- A. Nā, navar.
- V. Kū vēl aizlīdz piktō Dīva bausleiba?
- A. Piktō Dīva bausleiba aizlīdz uz tyvōkō
dusmōtīs, jū lōdēt un dareit ļam kū ļaunu
pi mīsa vai dvēseles.
- V. Vai ir lels grāks sev un cytam maitōt ve-
seleibu?
- A. Jā, ir lels grāks.

Sastō un deveitō Dīva bausleiba.

«Tev nabyus lauleibu pōrkōpt.» (sastō);

«Tev nabyus ikōrōt tova tyvōkō sivu.» (deveitō).

- V. Kū aizlīdz Dīvs sastā un deveitā bausleibā?
- A. Šymōs divejōs bausleibōs Dīvs aizlīdz na-
kauneigas dūmōšonas, grībēšonas, vōrdus
un dorbū.

Septeitō Dīva bausleiba.

«Tev nabyus zagī.»

- V. Kas ir zaglis?
- A. Zaglis ir tys, kas bez atļaušonas slapyn pa-
jam sev svešu litu.
- V. Vai ir grāks pikrōpt (apmōneit) cylvāku pi
pōrdūšonas, pērkšonas un meišonas?
- A. Ir taidš pat grāks, kai zagšona.
- V. Vai ir breivī sev paturēt nūzogtu litu?
- A. Nav breivī nūzogtu litu sev paturēt, jū
vajag atdūt tam, kam jēl pidar.
- V. Vai ir breivī dareit cylvākam kaidu zaudē-
jumu?
- A. Nav breivī.
- V. Kas ir jōdora tam, kas nūzoga vai zaudē-
jumu tyvōkam padareja?
- A. Zaudējumu vajaga atleidzēt un zogtu litu
vajaga atdūt.
- V. Kū aizlīdz septeitō Dīva bausleiba?
- A. Septeitō bausleiba aizlīdz zagšonu un na-
taisneigu tyvōkō monta aizturēšonu.
- V. Kas jōdora ar atroštu litu?
- A. Jū vajaga atdūt īpašnikam, jo ir zynoms.

Ostoitō Dīva bausleiba.

«Tev nabyus napatīšu liceibu dūt pret sovu tyvōkū.»

- V. Kū mums aizlīdz ostoitō Dīva bausleiba?
- A. Ostoitō Dīva bausleiba aizlīdz: nataisneigu
liceibu, malōšonu, aprunōšonu un slaves
laupeišonu.
- V. Kas ir aprunōt?
- A. Aprunōt ir bez vajadzeibas stōsteit citim
par tyvōkō padareitīm ļaunim dorbim un
vōjumim.
- V. Kas ir gūdu laupeit?
- A. Gūdu laupeit ir par tyvōkū izdaudzynōt
taidus ļaunus dorbū, kurus īys nav darejis.
- V. Kas tam jōdora, kas tyvōkū aprunoj vai
jam gūdu nūlaupeja?
- A. Taidam vajaga izlobēt tyvōkō gūdu.

Dasmytō Dīva bausleiba.

«Tev nabyus ikōrōt nīvinu litu kaš ūtram pidar.»

- V. Kū mums Dīvs aizlīdz caur dasmytū baus-
leibu?
- A. Caur dasmytū bausleibu Dīvs mums aizlīdz
na tikai ļaunus dorbū, bet arī ļaunas dūmas.
- V. Vai ir lels grāks skaust tyvōkam montu?
- A. Kai tod, skaust tyvōkam montu ir lels grāks.

Par Bazneicas bausleibom.

- V. Cik ir Bazneicas bausleibu?
- A. Bazneicas bausleibas ir picas.

V. Par kŭ tōs bausleibas mes saucam par Bazneicas bausleibom?

A. Par tū jōs saucam par Bazneicas bausleibom, ka jōs īstateja Svātō Katōļu Bazneica.

V. Kas ir Svātō Katōļu Bazneica?

A. Svātō Katōļu Bazneica ir kristeitu ļaužu savineiba, kuri atzeist vīnu ticību, piļam tūs pošus Svātus Sakramentus un pastōv zam Svāta Romas Tāva vērseibas.

V. Kas īstateja Svātu Katōļu Bazneicu?

A. Svātu Katōļu Bazneicu īstateja pats Kungs Jezus Kristus.

V. Cik Bazneicu īstateja Kungs Jezus?

A. Kungs Jezus īstateja tik vīneigu Svātu Katōļu Bazneicu.

V. Jo Kungs Jezus īstateja tik vīneigu Katōļu Bazn., nu kurīnes cēlēs cytas Bazneicas?

A. Cytas bazneicas cēlēs caur Kunga Jezus ticeibas nasaprasšonu vai caur ļaunu cylvāka prōtu.

V. Kŭ pastateja Kungs Jezus par savu vitnīku un Bazneicas golvu vērs zemes?

A. Par savu vitnīku un Bazneicas golvu Kungs Jezus pastateja Svātu Romas Tāvu.

V. Kas beja pyrmais Romas Tāvs?

A. Pyrmais Romas Tāvs beja svātais Pīters.

Pyr mō Bazneicas bausleiba.

«Tev byus svātdinōs un svētejamōs dinōs Svātu Misi izklauseit un atsaturēt nu gryutim dorbim»

V. Kŭ mums pīsoka pyr mō Bazn. bausleiba?

A. Pyr mō Bazneicas bausleiba mums pīsoka svātku dinas svētelt taipat, ka svātdinas.

Ūtrō Bazneicas bausleiba.

«Tev byus nu Bazneicas nūteiktōs dinōs atsaturēt nu gaļas ēdinim un gavejamōs dinōs gavēt.»

V. Kŭ pīsoka ūtrō Bazneicas bausleiba?

A. Ūtrō Bazneicas bausleiba pīsoka gavēņa dinas gavēt.

V. Kas jōdora tam, kas navar gavēt?

A. Tam nu sovas goreigas vērseibas vajaga lyugt atļaušonu ēst aizliegtus ēdīņus.

Trešō Bazneicas bausleiba.

«Tev byus vysmoz reizi godā izsyudzēt sovus grākus.»

V. Kŭ pavēlej Bazneica trešajā bausleibā?

A. Trešajā bausleibā Bazneica pavēlej, lai ikvīns ticeigais mozōkais reizi godā izsyudzātu sovus grākus.

Čatŭrtō Bazneicas bausleiba.

«Tev byus Vysusvātōkŭ Sakramentu vysmoz Leldinas laikā pījimt.»

V. Kŭ pavēlej Bazneica čatŭrtajā bausleibā?

A. Čatŭrtajā bausleibā Bazneica pavēlej, lai ikvīns ticeigais mozōkais Leldinas laikā pījimtu Vysusvātōkŭ Sakramentu.

V. Kod sōcās un beidzās Leldinas laiks?

A. Myusu Archidiecezē Leldinas laiks īsasōc ar pyr mŭ Lelō gavēņa dinu un īzabeidz ar Vyssvātōkōs Trejadeibas dinu.

Piktō Bazneicas bausleiba.

«Tev byus paleidzēt uzturēt Bazneicu un jās kolpus.»

- V. Kū pavēl piktō Bazneicas bausleiba?
 A. Piktō Bazneicas bausleiba pavēl visim kristeigim, kotrām pēc sovas iespējas, paleidzēt uzturēt savu Bazneicu, jās kolpus, kai ari dažādas labdareības iestādes, kuras pi tās atsarūn.

Četras pādejās lītas.

- V. Kas ir nōve?
 A. Nōve ir dvēseles atsašķēršona nu mīsas.
 V. Kas nūteik ar cylvāka dvēseli pēc nōves?
 A. Cylvāka dvēsele pēc nōves tyulen stōjās Kristus Kunga tīsas priškā.
 V. Kur it dvēsele pēc Dīva tīsas?
 A. Pēc Dīva tīsas dvēsele it vai uz dabasim, vai uz škeisteišonas gūni vai uz elni.
 V. Kaidas dvēseles it uz dabasim?
 A. Uz dabasim it tūs ļaužu dvēseles, kuri pēc Kristeibas nimoz nav grākōjuši vai par sovīm grākīm Dīva taisneibai vysā ir gondarejuši.
 V. Kaidas dvēseles it uz škeisteišonas gūni?
 A. Uz škeisteišonas gūni it tūs ļaužu dvēseles, kuri škirās nu šos pasaules ar ikdiniškim grākīm vai kuri pēc lobas grākusyndzēšonas nav vysā gondarejuši Dīva taisneibai.
 V. Kaidas dvēseles it uz elni?

- A. Uz elni it tūs dvēseles, kuras škirās nu šos pasaules ar naatlaistu nōveigu grāku.
 V. Vai dabasu prīcai byus gols?
 A. Nā, gola nīkod jai nabyus.
 V. Vai škeisteišonas gūnei byus gols?
 A. Škeisteišonas gūnei byus gols tūlāk, kad cylvāks jau vysā byus gondarejis Dīva taisneibai.
 V. Vai elnes mūkom byus gols?
 A. Nā, elnes mūkom myužam nabyus gola.

Par grāku.

- V. Kas ir grāks?
 A. Grāks ir Dīva vai Bazneicas bausleibas apzīneiga un breivvāleiga pōrkōpšona.
 V. Cikāids ir grāks?
 A. Grāks ir divejāids: idzymtais un padareitais.
 V. Kas ir idzymtais grāks?
 A. Idzymtais grāks ir tys, kuru paradizē padareja Odums ar īvu un kurs caur dzimšonu uz visim ļaudim pōrit.
 V. Vai visi ļauds dzymst ar idzymtū grāku?
 A. Visi dzymst ar idzymtū grāku, tikai Vysusvātōkō Jaunova Marija dzyma bez idzymtō grāka.
 V. Kas ir padareits grāks?
 A. Padareits grāks ir tys, kuru cylvāks pats padora.
 V. Vai padareiti grāki visi ir vīnāidi?

- .. Nā, na visi vīnāidi, citi ir nōveigi, citi ikdiniški.
- .. Kas tys ir nōveigs grāks?
- A. Nōveigs grāks ir teiša un apzineiga Dīva vai Bazneicās bausleibu pōrkōpš. Ielā litā.
- .. Kū zaudej cylvāks caur nōveigu grāku?
- A. Caur nōveigu grāku cylvāks zaudej Dīva žēlesteibu un peļnej myužeigu pazuššonu.
- V. Kas ir ikdinišks grāks?
- A. Ikdinišks grāks ir Dīva vai Bazneicās bausleibu pōrkōpšona moza litā.
- V. Kaidu strōpi cylvāks peļnej par ikdinišku grāku?
- A. Cylvāks par ikdinišku grāku peļnej laiceigū strōpi šymā pasaulī vai pēc nōves škeisteišonas guni.
- V. Kai cylvāks var grākōt?
- A. Cylvāks var grākōt ar dūmom, vōrdim un dorbim.
- V. Vai ikkotra ļauna padūmošona, kura nōk prōtā, ir grāks?
- A. Grāks ir tikai taida ļauna padūmošona, ar kuru cylvāks teišam kavejās.

Bausleibu pildeišona.

- V. Vai pīteik mums tō, ka mes tikai nu grākim sorgojamēs?
- A. Nā, tō vīn napīteik, bet mums ir jōdora arī lobi dorbi.
- V. Kaidi lobi dorbi mums vyspyrms jōdora?

- A. Vyspyrms mums jōdora tī lobi dorbi, ka rus mums prosa myusu pinōkums.
- V. Kaidi ir Dīvam vyspateikamōki lobi dorbi?
- A. Lyugšona, gavēšona un dōvonu dūšona nabogim.

Par Svātim Sakramentim.

- V. Kas ir Sakramenti?
- A. Sakramenti ir Kunga Jezus īstateitas radzamas zeimes, caur kurom dabojam nardzamas Dīva žēlesteibas.
- V. Kas īstateja svātus Sakramentus?
- A. Svātus Sakramentus īstateja pats Kungs Jezus.
- V. Cik sakramentu Kungs Jezus īstateja?
- A. Kungs Jezus īstateja septēnus Sakramentus.
- V. Kai dolōs svāti Sakramenti?
- A. Svāti Sakramenti dolōs uz taidim, kurus var pījimt vīnu reizi dzeivē un kurus var pījimt vairōk reižu.
- V. Kaidus Sakramentus var pījimt tikai vīnu reizi?
- A. Tikai vīnu reizi var pījimt: kristeibu, īstprynōšonu un bazneickungu isvēteišonu.

Par svātū Kristeibas Sakramentu.

- V. Kurs Sakraments ir vysuvajadzeigōkais?
- A. Vysuvajadzeigōkais ir Kristeibas Sakraments.
- V. Kōdēļ Kristeibas Sakraments ir vysuvajadzeigōks?

- A. Krīstības Sakraments ir vysuvajadzīgūks tōdēl, ka bez Krīstības cylvāks nav byut izpesteits.
- V. Kaidu žēlesteibu dūd Krīst. Sakraments?
- A. Krīstības Sakraments dūd tū žēlesteibu, ka nūceļ idzymtū grāku un vysus cytus grākus, pyrms krīstības padareitus.
- V. Kas var krīsteit?
- A. Krīsteit var veiskupi, bazneickungi un vajadzības laikā ikkots cylvāks.
- V. Kai vajaga krīsteit?
- A. Vajag lit yudini bārnām uz golvas un sacelt tūs vōrdus: «Es (saceidams vōrdu) tevi krystu Dīva Tāva un Dāla un Svātō Gora vōrdā.»
- V. Kas var byut par krysttāvu un krystamōti?
- A. Par krysttāvu un krystamōti var byut tikai katōli un gūdeigi ļaudis.
- V. Cik reižu dzeivē dreikst pījimt krīsteibu?
- A. Tikai vīnu reizi.

Par Istyprynōšonas Sakramentu.

- V. Kas ir Istyprynōšona?
- A. Istyprynōšona ir Sakraments, kurs cylvāku styprynoī svātā ticeībā un dūd Sv. Gora dōvonas.
- V. Kaidas ir Svātō Gora dōvonas?
- A. Svātō Gora dōvonas ir: 1) Gudreiba, 2) Prōts, 3) Padūms, 4) Zīneiba, 5) Drūseiba, 6) Padīveiba un 7) Dīva baile.
- V. Kas var styprynōt?
- A. Styprynōt var tikai veiskups.

- V. Kas var pījimt Istyprynōš. Sakramentu?
- A. Istyprynōšonas Sakramentu var pījimt tys, kas ir krīsteits un uz dvēseles natur nōveiga grāka.
- V. Cik reižu var pījimt Istyprynōšonu?
- A. Istyprynōšonu var pījimt tikai vīnu reizi.
- V. Kas pi Istyprynōšonas var byut par krysttāvu vai krystamōti?
- A. Pi Istyprynōšonas par krysttāvu vai krystamōti var byut tikai tys, kas ir pats istyprynōts un gūdeigs cylvāks.

Par Grākuvaidēšonas Sakramentu.

- V. Kas ir Grākuvaidēšona?
- A. Grākuvaidēšona ir nu Kunga Jezus īstaitēts Sakraments, caur kuru dabojām grāku atlaisšonu.
- V. Kas cylvākam jōdora, lai dabōt grāku atlaisšonu?
- A. Lai dabōt grāku atlaisšonu, cylvākam vajaga izpīldeit pīcas grākuvaidēšonas daļas: 1) Grākus salaseit; 2) Par grākīm nūžālōt; 3) Stipri apsajemt vairōk nagrākōt; 4) Grākus izsyudzēt; 5) Gondareit Dīvam un tyvōkam.

Sirdsapziņas izmeklēšona.

- V. Kas tys ir sirdsapziņu izmeklē (cytaidi, grākus salaseit)?
- A. Sirdsapziņu izmeklē ir atminēt vysus pēc

pādejās lobas grākusyudzēšonas padareitus grākus.

- V. Kod vajaga savu sirdsapziņu izmeklēt?
A. Sirdsapziņu vajaga izmeklēt pyrms grākusyudzēšonas.
V. Kas vēl jōdora pi sirdsapziņas izmeklēš.?
A. Pi sirdsapziņas izmeklēšonas vajaga atminēt grāku skaitu, lelumu un ļaunumu.

Grāku nūžālōšona.

- V. Kas jōdora pēc grāku salaseišonas vai sirdsapziņas izmeklēšonas?
A. Pēc grāku salaseišonas vajaga par tim sirsneigi nūžālēt.
V. Kas ir nūžālōšona par grākim?
A. Nūžālōšona par grākim ir sirds sōpe par padareitim grākim, ka mes asam ar jīm Dīvu apkaltynōjuši.
V. Kaida ir nūžālōšona par grākim?
A. Nūžālōšona par grākim ir divejaida: dabiska un pōrdabiska.
V. Kod nūžālōšona par grākim ir dabiska?
A. Nūžālōšona par grākim ir tūlaik dabiska, kod mes par sovīm grākim nūžālojam tikai aiz laiceigom īmeslem.
V. Kod nūžālōšona par grākim ir pōrdabiska?
A. Nūžālōšona par grākim ir pōrdabiska tūlaik, kad mes nūžālojam par grākim aiz tō īmesļa, ka asam tik lobu Dīvu apkaltynōjuši un eļņi peļņejuši.

- V. Kaida ir vajadzeiga nūžālōšona pi grākusyudzēšonas?
A. Pi grākusyudzēšonas ir vajadzeiga pōrdabiska nūžālōšona.
V. Kas ir jōdora pēc grāku nūžālōšonas?
A. Pēc grāku nūžālōšonas vajaga stipri apsaļimt valrōk nagrākōt un nu grāku īmeslim sorgōtis.
V. Kas var byut par grāku īmesli?
A. Par grāku īmesli var byut: personas, vītas un apstōkli, kuri cylvāku vad uz grāku.
V. Vai Dīvs atlaiž tam cylvākam grākus, kas nagryb atstōt grāku īmesļus?
A. Nā, kas naatstōj grāku īmesļus, tam nateik grāki atlaisti.

Grākusyudzēšona.

- V. Kas tys ir grākus syudzēt?
A. Grākus syudzēt ir apvaļņōt sevi par sovīm grākim pret bazneickungu, lai dabōt grāku atlaisšonu.
V. Kaidai vajag byut grākusyudzēšonai?
A. Grākusyudzēšonai vajaga byut vaļsirdeigai un pylnai.
V. Kod grākusyudzēšona byus vaļsirdeiga?
A. Grākusyudzēšona vaļsirdeiga byus tūlaik, kad grākus un jūs apstōklus syudzēsīm tai, kai ir bejuši.
V. Kod grākusyudzēšona byus pylna?
A. Grākusyudzēšona byus pylna tūlaik, ka pa-

saceisim bazneickungam vysus grākus. ni vīna naslāpdami.

- V. Kas vēl jōdora pi grākusyudzēšonas?
- A. Pi grākusyudzēšonas vajaga pasaceit, cik reižu nōveigu grāku esi padarejis.
- V. Vai loba ir grākusyudzēšona, jo esi aizmērsis nōveigu grāku?
- A. Taida grākusyudzēšona ir loba, tikai nōkušū reizi vajaga pasaceit aizmērstū grāku.
- V. Vai byus loba grākusyudzēšona, kad nōveigū grāku aiz kauna vai bailes paslēpsi?
- A. Kad nōveigū grāku teišu prōtu aiz kauna, vai bailes paslēpsi, taida grākusyudzēšona byus slykta, svātzadzeiga.
- V. Vai caur svātzadzeigu grākusyudzēšonu cylvāks daboj grāku atlaisšonu?
- A. Nā, nadaboj.
- V. Kas jōdora tim, kas pi grākusyudzēšonas teišam paslēpe nōveigu grāku?
- A. Taidam pi nōkušas grākusyudzēšonas vajaga pasaceit par šytū slēpšonu goreigam tāvam un par jaunu izsyudzēt pagōjušos grākusyudzēšonas grākus.
- V. Kas ir jōdora, kad beigsi syudzēt grākus?
- A. Vajaga pasaceit bazneickungam: vairōk grāku napimiņu, par itim un visim sovīm grākim sirsneigi žāloju, apsajamu lobōtis un tevi, goreigs tāvs, jo asu cineigs (-a), lyudzu dūt grāku atlaisšonu.
- V. Kas ir jōdora, kad bazneickungs dūd grāku atlaisšonu?

- A. Kad bazneickungs dūd grāku atlaisšonu, tad vajaga mūdynōt sovā sirdi vyslelōkū nūžālōšonu par grākim, sist kryutis un saceit: «O, Dīvs Kungs, esi žēleigs man grēcinīkam!»
- V. Kas ir jōdora pēc grāku syudzēšonas?
- A. Pēc grākusyudzēšonas vajag izpildeit nu bazneickunga uzlyktū gondareišonu par grākim.

Gondareišona par grākim.

- V. Kas ir gondareit par grākim?
- A. Gondareit par grākim ir izpildeit tūs lobus dorbus, kurus bazneickungs pi grāku syudzēšonas uzlik.
- V. Vai poši dreikstam pōrmeit nu bazneickunga uzlyktū pi grākusyudzēšonas gondareišonu par grākim?
- A. Poši, bez goreiga tāva ziņas, gondareišonas dorbu nikod nadreikstam pōrmeit.
- V. Kod un kai ir jōizpylda uzlyktō gondareišona?
- A. Gondareišona ir jōpylda tymā laikā un tai, kai bazneickungs ir uzlicis.

Par Vysusvātōkū Sakramentu.

- V. Kas ir Vysusvātōkais Sakraments?
- A. Vysusvātōkais Sakraments ir Kunga Jezus Krīstus eistyna Misa un Asnis veina un maizes zeimēs nūslāpta.
- V. Par kū šū Sakramentu sauc par Vysusvātōkū Sakramentu?

- A. Par tū, ka jamā ir paslāpīts pats svātuma devējs, Kungs Jezus Kristus.
- V. Kod Kungs Jezus īstateja Vysusvātōkū Sakramentu?
- A. Kungs Jezus īstateja Vysusvātōkū Sakramentu Lelajā Caturtdīnā pi pādejom Vakareņom.
- V. Kai īstateja Kungs Jezus tū Sakramentu?
- A. Pi pādejom Vakareņom Kungs Jezus pajēme maizi rūkōs, svēteja, lauze un deve apostolim, saceidams: Jemlīt un ēdit, šei ir Muna Misa.» Pēc pajēme bikeri ar veinu, svēteja un deve apostolim, saceidams: «Dzerit nu jō visi... Tys ir muns Asnis... kurs byus izlīts dēļ grāku atlaisšonas, dorīt tū uz Munu pīmiņu.»
- V. Kas nūtyka, kad Kungs Jezus pi pādejom Vakareņom pasaceja: «Šei ir Muna Misa... Tys ir Muns Asnis?»
- A. Kod Kungs Jezus pasaceja tūs vōrdus, maize pōrsameja par eistynu Kunga Jezus Mīsu un veins par eistynu Jō Asni.
- V. Kam Kungs Jezus deve varu pōrmeit maizi un veinu Sovā Vysdōrgōkā Mīsā un Asnī?
- A. Kungs Jezus deve tū varu apostolim ar tūm vōrdim: «Dorīt tū uz munu pīmiņu.»
- V. Uz kū pēc apostolim pōrgōja tei vara pōrmeit maizi un veinu Kunga Jezus Mīsā un Asnī?
- A. Pēc apostolim vara pōrgōja uz veiskupim un bazneickungim.

- V. Kod bazneickungi un veiskupi dora tū breineigū maizes un veina pōrmeišonu Kunga Jezus Mīsā un Asnī?
- A. Jī tū dora Svāta Mīša laikā.
- V. Kas tys ir Svāts Mīšs?
- A. Svāts Mīšs ir bezasneigais Jaunō īstōdeju-ma upers, kurā Kungs Jezus caur bazneickunga rūkom par mums pats Sevi uperej Dabasu Tāvam.
- V. Kas īstateja Svātū Mīšu?
- A. Svātū Mīšu īstateja pats Kungs Jezus Kristus.
- V. Kod Kungs Jezus īstateja Svāta Mīša uperi?
- A. Kungs Jezus Svāta Mīša uperi īstateja Lelajā Caturtdīnā pi pādejom Vakareņom.
- V. Kas palyka nu maizes un veina pēc jū pōrmeišonas Kunga Jezus Mīsā un Asnī?
- A. Nu maizes un veina pēc pōrmeišonas palyka tikai zeimes: gordums, boltums un opolums.
- V. Kū mes pijamam Svātā Sakramentā pi Dīva Golda?
- A. Svātā Sakramentā pi Dīva Golda mes pijamam dzeivū Kungu Jezu.
- V. Vai pijimdami Vysusvātōkū Sakramentu zam maizes zeimes, pijamam arī Kunga Jezus Asnī?
- A. Nui, pijimdami Kunga Jezus Mīsu zam maizes zeimem, pijamam reizē i Jō Asni, jo kur ir dzeiva Misa, tur klōt ir dzeivs Asnis.

- V. Kas ir vajadzējs, lai būtu cīnīgi pījimt Vysusvātōkū Sakramentu?
- A. Ir vajadzējs sagatavōt dvēseli un mīsu.
- V. Kai ir vajadzējs sagatavōt mīsu?
- A. Nu pušnaktīm navajaga nī ēst, nī dzert, pīdar ari pīklōjelgōk un teirōk apsagērbt.
- V. Kai vajaga sagatavot dvēseli?
- A. Vajaga izsyudzēt sovus grākus.
- V. Kas jōdora pyrms pošas Vysusvātōkō Sakramenta pījimšonas?
- A. Vajaga nūskaiteit: Es grēcinīks cylvāks... Un mūdynōt sovā sirdī vyslēlōkū ticeibu, cereibu un mileibu uz Dīvu.
- V. Kū vajaga dareit, kad bazneickungs pacel Vysusvātōku Sakramentu?
- A. Tūlaik vajaga nūsamēst cēļūs, pīlikt golvu, sist kryutis un saceit: O Kungs Jezu! es naasm: cīnēigs, ka Tu īitim munā sirdī, bet tik ai soki vōrdu un byus izpešteita muna dvēsele.
- V. Kas ir jōdora tyulen pēc Vysusvātōkō Sakramenta pījimšonas?
- A. Pēc Vysusvātōka Sakramenta pījimšonas vajaga nūsamēst cēļūs un sīrsneigi pasateikt Kungam Jezum par tik lelu Jō žēlesteibu.
- V. Vai var tyulen pēc Vysusvātōka Sakramenta pījimšonas īt nu bazneicas ōrā?
- A. Pēc Vysusvātōka Sakramenta pījimšonas pīdar vysmozōkais minutu pīcpadsmīt lyugt Dīvu un Jam pasateikt par tāldu lelu Jō žēlesteibu.

- V. Vai ir bīreivi pījimt Vysusvātōkū Sakramentu, kas pī grākusyudzēšonas nav dabōjis grāku atlaisšonas?
- A. Kas nav dabōjis grāku atlaisšonas un pījam Vysusvātōku Sakramentu, tys dora nōveigu grāku.

Par Postora svēteibas Sakramentu.

- V. Kas ir Postora svēteiba vai ar svātim Elejim apsvaideišona?
- A. Postora svēteiba ir nu Kunga Jezus īstateits Sakraments, kas myus styprynoī pādeī bīreidī pret kārdynōšonom, atceī grāku atlikas un dažu reizi ari atgrīž veseleibu.
- V. Kas un kod šū Sakramentu var pījimt?
- A. Šū Sakramentu var pījimt ikvīns katōjs cylvāks, kas gryuši slymoj.
- V. Cik reīžu var pījimt šū Sakramentu?
- A. Tymā pat slīmeibā vīnu reizi.
- V. Kaidu lobumu dūd slīminīkam Postora svēteiba?
- A. Postora svēteiba nūceī grāku atlikas, styprynoī slīminīku pret valna kārdynōšonom un dūd paciteibu mīsas vōjumā.

Par bazneickungu īsvēteišonas Sakramentu.

- V. Kas ir bazneickungu īsvēteišona?
- A. Bazneickungu īsvēteišona ir nu Kunga Jezus īstateits Sakraments, kas dūd cylvākam varu turēt Svātu Mīšu, daleit ļau-

dīm Svātus Sakramentus un cytas Diva žēlesteibas.

- V. Kas var īsvēteit bazneickungus?
A. Bazneickungus var īsvēteit tikai veiskups.

Par lauleibas Sakramentu.

- V. Kas ir lauleiba?
A. Lauleiba ir nu Kunga Jezus īstateits Sakraments, kas veirišam un sīvītei, kuri ap-sūlei sev mīlesteibu, dūd žēlesteibu sada-reigi dzeivūt un dīvabaileigi bārnus audzy-nūt.
V. Kas var laulēt?
A. Laulēt var veiskupi un bazneickungi.
V. Vai dzymtsarokstu nūdaļas var dūt lau-leibas Sakramentu?
A. Dzymtsarokstu nūdaļas navar dūt laulei-bas Sakramentu.
V. Vai tī, kuri kūpeiigi dzeivōtu tikai ar dzymtsarokstu nūdaļas saraksteišonu bez Bazneicas lauleibas, var byut pilaisti pī Sv. Sakramentim?
A. Tī, kuri kūpeiigi dzeivōtu tikai ar dzymt-sarokstu nūdaļu saraksteišonu, navar byut pilaisti pī Svātim Sakramentim, cikom na-byus salaulōti Bazneicā.

Par lyugšonu.

- V. Kas tys ir lyugšona?
A. Lyugšona ir prōta paceļšona uz Divu.

- V. Vai vajaga mums lyugt Divu?
A. Mums vajag lyugt Divu dēļ tō, ka pats Kungs Jezus mums tai pavēlēja.
V. Kai var lyugt Divu?
A. Divu var lyugt ar vōrdim un dūmom.
V. Kū mes varim lyugt nu Diva?
A. Mes varim lyugt nu Diva vysu kas ir lobs un vajadzeigs myusu izpesteišonai.
V. Kod vysvairōk vajaga lyugt Divu?
A. Vajaga lyugt Divu reitā, vokorā un vysu-vairōk kārdynōšonas un nalaimes laikā.
V. Kaida lyugšona ir vyslobōka?
A. Vyslobōka ir Kunga lyugšona vai «Tāvs myusu».
V. Par kū jei saucās par Kunga lyugšonu?
A. Par tū, ka pats Kungs Jezus tū lyugšonu mums izmōcejis.
V. Pēc «Tāvs myusu» kaida ir vēl vyslobōkō lyugšona?
A. Pēc «Tāvs myusu» vyslobōka lyugšona ir «Esi sveicynōta».
V. Uz kaidu gūdu mes skaitom «Esi sveicy-nōta»?
A. «Esi sveicynōta» mes skaitom Jaunovas Marijas gūdam.

Par Diva žēlesteibu.

- V. Vai mes spējam vīneiigi ar sovīm spēkim izpildeit vysas bausleibas un izasorgōt nu visim grākim?

A. Nā, vīnelgi ar sovīm spākim mes naspējam izpildeit vysas bausleibas un izasorgōt nu visīm grākīm.

V. Kas mums ir vajadzeigs, lai mes spātu izpildeit vysas bausleibas un izasorgōt nu grākīm?

A. Lai mes spātu izpildeit vysas bausleibas un izasorgōt nu grākīm, mums ir vajadzeigs Dīva paleigs, kū mes saucām par Dīva žēlesteibu.

V. Cikaida ir Dīva žēlesteiba?

A. Dīva žēlesteiba ir dīvejaida: svātdorūša un paleiga žēlesteiba.

V. Kas ir svātdorūša žēlesteiba?

A. Svātdorūša žēlesteiba ir seviška Dīva dōvona, kura myus dora par svātim, Dīvam pateikamīm un dūd mums tiseibu uz dabasu vajsteibu.

V. Kod mes zaudejam šū svātdorūšu žēlesteibu?

A. Šū svātdorūšu žēlesteibu mes zaudejam, kad padoram kaidu nōveigū grāku.

V. Kod mes dabojam atpakaļ šū svātdorūšu žēlesteibu?

A. Šū svātdorūšu žēlesteibu mes dabojam atpakaļ, kad pi grākuvaidēšonas Sakramenta izsyudzam sovus grākus un dabojam jū atlaisšonu.

V. Vai varam byut pešteiti bez svātdorūšas žēlesteibas.

A. Nā, navaram.

V. Kas ir paleiga žēlesteiba?

A. Paleiga žēlesteiba ir seviška Dīva dōvona, kura mums dūd spāku labi dareit un nu ļauna sorgōtīs.

V. Kod Dīvs mums dūd šū paleiga žēlesteibu?

A. Dīvs dūd šū paleiga žēlesteibu pi ikkotra gadejuma, kad jei mums vajadzeiga.

V. Caur kū mes dabojam Dīva žēlesteibu?

A. Dīva žēlesteibu mes dabojam caur Svātim Sakramentim un lyugšonu.

DIVAKOLPŌŠONA VYSUSVĀTŌKAJAM SAKRAMENTAM PAR GŪDU.

Esi gūdynōts un slaveits.



E - si gū - dy - nōts un sla - - - - - veits,
De - stei - tōjs, tu myu - su dār - gais, kas zān māi - zes
zei - mem - pa - slāpts. e - si Divs un cū - vāks es - tais

O Salutaris Hostia.




1 O Sa - lu - ta - ris Ho - - - - - sti - a quae coe - li pan - dis o - sti - um
2 U - ni tri - nō - que Do - - - - - mi - no Sit sem - pi - tēr - na glō - ri - a
1 be - li - a pre - munt hos - ti - li - a, - - - - - da - ro - bur, fer - āu - ri - - - - - li - um
2 qui vi - tam si - ne ter - mi - no no - bis do - net in pa - - - - - tri - a

Tantum ergo Sacramentum.



1 Tan - tum er - go Sa - cra - mē - tum Ve - ne - rē - mur tē - ro - ni -
2 Ge - ni - tō - ri, Ge - ni - tō - que Lau - s et ju - bi - la - ti - o,
1 Et an - ti - quum do - cu - mē - tum Mo - vo - de - dat ri - tu - i.
2 Sa - lus, ho - nor, vir - tus quo - que Sit et be - ne - dic - ti - o.
1 Prae - stel fi - des sup - ple - men - tum Sen - su - um de - fer - tu - i A - - - - - men.
2 Pro - ce - den ti ab ut - ro - que Com - par si - lau - da - ti - o

Lai top cineits un gūdynōts.



1. Lai top ci - neits un gū - dy - nōts vy - su - svā - tō - kais
sa - kra - mēnts Ei - sty - na mi - sa un as - nis
myu - su Kun - ga Je - zus Kri - - - - - stus

Teicit jjus, bērneņi, Kungu!

Teicit jjus Kunga vōrdu!

Lai Kunga vōrds ir slaveits:

Nu šo laika un myužei.

Nu saules lēkšonas leidz Jūs rītēšonai:

Lai Kunga vōrds ir slaveits.

Augsts ira Kungs, pōri par vysom tautom:

Vērs debesim ir Jō gūdeiba.

Kas ir kai Dīvs, myusu Kungs,
Kas augstumūs dzeivoj: un raugūs vysu, kas
ir debesis un vērs zemes.

Mozenus jys izvalk nu puteklīm:

Nabogu pacel nu māsīm.

Lai pasādynōtu viņu ar tautas lelveirim:

Ar sovas tautas lelveirim.


Tū, kuras mōja beja naaugleiga:

Jys dora par mōti, kas prīceiga ar bārnīm.

Gūds lai Tāvam, Dālam un Svātajam Goram,

Kai beja nu īsōkuma, tai tagad un vysod un
myužeigi myužam. Amen.

Svātdinōs pyrms Lelō Miša jōdzīd:



Verīs uz ļaudīm dvēseļu Bryugōns, Esi jīm
zēleigs, o Jezus soldons! Un mums, Pestei-
tōjs, apšķīņoj sātas! Dūd zemei augļus un
dryvas lātas.

Dūd mīru tautom, dūd sadareibu! Mums
veseleibu un laiku lobu! Myužeigu dvēselem
dūd dusēšonu Caur šytō Miša uperēšonu!

Atdūdām gūdu Tev, Jezus, dōrgais! Sla-
vejam Tevi, Dīvs, vysusoldais! Parōd mums
visīm sovu gōdeibu Un glōb ticeigus zam sovu
spōrnu!

Ar tveiksmi sirdī uz Tevi saucam; Želes-
teibas tovas korsti lyudzam. Paleidz mums
tagad gūdynōt Tevi Un dūt debesis myužeigu
laimi!

Zīmas svātķu dzīsmē.

Atteceja uz Betlejom ganeni, Viņus meili
aicynōja Engeli. Gūds Dīvam augstumā, gūds
Dīvam augstumā. Vērs zemes mīrs ļaudīm.

Gūdu deve Dīvam silē zemeigi, Pazyna,
kai Pesteitōju mileigu. Gūds Dīvam augstu-
mā...

Vērss un ezeļs Jū sildeja mileigi, Goni
rūceņas bučōja prīceigi. Gūds Dīvam aug-
stumā...

Debes gori Viņam jauki dzīdōja, Jaunova
ar Jezupu Jū auklēja... Gūds Dīvam aug-
stumā...

K. Jezus cīsšonas dzīsmes.

Jezus Kristus, Dīvs muns milais, Dīva
jēreņš paciteigais, Stīpe, stīpe krystā sovas rū-
kas: Dēļ tōs, dēļ tōs munas naitaisneibas.

Raudi par jū, cyļvāks grēceigs, Radzūt cik
jys ir žālsirdeigs. Jezus, Jezus mērst pi krysta
kūka; Saule, saule tymsa jau palyka.

Saceidams pādejū vārdu, Nūlaide uz plācīm golvu. Mōte, mōte pi jō nūs-kumeiga Beja, beja klōtu tikkū dzeiva.

Aizkors bazneicas pōrpleisa, Zeme treisej', akmiņš pleisa. Simtnīks, simtnīks klīdze: Še Dāls Dīva! Visim, visim lela baile klīva.

Pēc Kristum pōrdyure sōnu, Asnis plyuda ar yudini. Raudit, raudit, lai berž sirdi žālums; Jezu, Jezu, apsažāloj par mums!

Tu, kurs par mums esi cītis, Jēzus Kristus, myusu Tu Kungs, Apsažāloj par mums! Apsažāloj par mums!

Un Tu, Kura reizē esi cītuse, O Marija, Dīva Mōte, Lyudz Tu Dīvu par mums! Lyudz Tu Dīvu par mums!

Leldīnas dzīsmē.

Jaukō dīna mums atgōja, Kurōs ikvīns sep gaideja. Šudiņ Kristus augšancēlēs. Alleluja.

Dabasu Kēneņš atnōce, Kai skaists zīdenš aizzīdēja, Dzeivs pēc nōves mums rōdejōs, Alleluja.

Elnes spākus salauzeja, Inaidnīkus sameideja, Cīumnīkus valā laide, Alleluja.

Leidz trešai dīnai tur beja, Svātūs tāvus prīcynōja Un pēc sevis aicynōja, Alleluja.

Tī, kas timseibōs sēdēja, Lelā bolsā gaviļēja, Kad Pesteitōju redzēja, Alleluja.

K. Jēzus dzīsmes.

Muna tu prīceiba, o Jēzus muns,
Muna tu līksmeiba, o Jēzus muns!

Lai vyss tys gaist maņ, kū turēt varu,
Es nikō nagrybu, kad Jezu turu.

Smōdeju pasaulā prikus un montu,
Mekleju es Dīvu ar vysu prōtu.

Tevi, o Jezu, nu sirds mīloju,
Tu lobums un mīrs muns, tevi cereju.

Mīloju ar vysu dvēseli munu,
Cytaidas mīleibas lai es nazynu.

Lai kaut tu, Jezu, mani atmastim,
Par mīlojamu maņ Kungu byutim.

Ak, ka, muns Jēzus, lauds tevi pazeitu,
Ar grākīm myužam naapkaitynōtu.

Muna tu prīceiba...

Atej, Jezu, muna prīca, Atej, aizdedz munu sirdi! Tevis viņa slōpst un gaida, Esi sōpēs jai par bīdri.

Tycu, Hostijā tu esi, Nadzeņ manis nūst nu sevis. Munus vōjumus tu redzi, Bet es eistyn slōpstu tevis.

Tevi pījemt sovā sirdī, Mīgt pi sovom korstom kryutim. Tevi auklēt sovā klēpī, — Tikai tūlaik laimeīgs byušu.

Ar mīleību lai es dāgu Un pēc tevis vysod slōpstu, Lai ar pylnu prīcas vaigu Skumōs dzeives krystu nasu.

J. Marijas dzīsmes.

Marija, Marija par sauli spūdrōka,
Mēnesi skaistōka, par vysu cīneigōka, Marija,
Marija.

Leļōka naklīva par Tev', Mōte Diva.
Tu pyrmō pēc Diva, Marija, Marija.

Marija, Marija vysteira Jaunova.
Pōrlyudz Divu Tāvu, lai nalaimu nava M., M.
Lai tīsoj žēleigi un mīlasirdeigi,
Prosām Tev' zemeigi, Marija, Marija.

Marija, Marija lyudz Dālu mīleigu,
Lai mani bēdeigu nador' nalaiameigu, M., M.
Lai muna dvēseli nastropej ar elni,
Līk tī, kur engeli, Marija, Marija.

Marija, Marija, lyudz, ka Svāts Gors prōtu
Mums apskaidrynōtu, dōvonas zīdōtu M., M.
Lai grāks zyud bez cīna, aug ticeibas ziņa,
Dabasu Kēneņa, Marija, Marija.

Marija, Marija, kad tīsā stōvēsim,
Lai bez vaiņas esim, ejam uz debesim, M., M.
Lai tad mes bēdeigi caur Tevim laimeigi
Palīkam myužeigi, Marija, Marija. Amen.

